



D Pirate vo Batavia sueche e neus Dehaim

Normalerwys duet dr Luca am Samschdig lenger pfluuse
Doch hütt muess die ganz Familie scho frieh uuse.
Dä Samschdig wird sicher ganz schön stargg,
Sy rassa uff Ruscht – in Europa-Park.
Au sy Schweschter freut sich scho uff d Bahne,
Drum göhn sy aigentlig au dort aane.
Vo Silverstar, Bluefire, Wodan und Batavia,
Kömme sicher alli Bahne dra.

Uff dr Autobahn fahrt dr Babbe wie gstöhrt,
Will d Kinder ständig frooge: «wenn sinn mir dort?»
Uff em letschte Kilometer dr erwartet Stau,
S wänn e Hüffe ans glyche Ort halt au.
Denn ändlig akich, es isch famoos:
«Kumm Celine, jetz gohts ändlig loos!»
Dr Luca muess e Wääg dur d Lyt duure bahne,
Sunscht kämte die zwai gar niene aane.
Uff schnältschem Wääg im Island hinde,
Dien dr Luca und d Celine dr Wodan finde.
Bi dääre Bahh hetts umsverege,
In jedere Kurve e runde Egge,
Duuregschüttlet wie ne Dattlessagg,
Kunnt e Gribble und d Uffreelig im Doppelpagg.
Uff dr Bluefire isch d Celine nach e baar Sekunde,
Im ene Looping mit em Kopf ganz unde,
Beyers imene geschraubte Salto wytergeht,
Und d Wääf definitiv uff em Kopf grad stohet.
Au dr Babbe isch im Gesicht licht root,
Und merrgt erlychteret, är syg jo gar nit doot.
D Mamme maint mit haisse Ohre:
«Oje, ha glaub grad my Make-Up verlore.»
Mit licht drümmeligen Befriede,
Losst dr Luca denn verkinde:
«Hey looset, jetz isch es Zyt,
Bis zue de Pirate isch es do nit wyt.»
D Kinder freue sich – «Fidralalala,
Jetz göhn mir ändlig nach Batavia.»
«Kumm Celine mir mien pressiere,
Mir wänn jo nit vyl Zyt verliere.»
Je nöcher sy aber nach Holland wandere,
Kömme ganz vyl Lyt entgeege, aine nach em andere.
Fascht am Zyl kunnt e ganzl Horde z renne:
«Hilfe – Fuuro – in Batavia duets brennel»

Fünwehnmänner mache d Schlüch barat,
D Bolzey sperrt ab, jetz hämmer dr Salat.
D Heggtigg isch grooss, me hört nur Gschrey,
s Entsetze brail und d Bai schwär wie Bley.
Dr Luca hett grad gwüsst nach sym Ermässe,
D Pirate vo Batavia kasch verglässe.
In däm Dall vom Vergnügsgarte,
Sinn alli Menseche kurz vor em duurestarte.
D Hildegard schwäär und gross wiene Ross,
Fluchtet vis à vis ins Galschterschloss.
Dort sat dr Erwin, wo das duet verwalte:
«Dasch prima, die könne mir als Attragtion grad bhalte.»
Au d Waltraud uss Dutsche Lande,
Stoht z vorderscht an dr Sicherheitsbande,
Wo, wie die Horde vo Tourisichte-Affe,
Uss Wunderlitz muess aane gaffe.
«Schau mal Karl, wie das tut brenne,
S Schlimmschte was bassiere hett kenne.»

Unglaublich – wär hätt das dänggt?
Fünfhundert Sicherheitskett hänn nit glänggt.
Me hetts in aine Medie ghört,
D Pirate vo Batavia sinn zerstört!
D Folge sinn enorm und fatal,
En Useforderig für Mensch und Material,
S Uusmaass verheerend und kataschrophal,
D Goschdym vo dr Lagerhalle verbrennt – brutal.

Dr Schregg sitz dief und d Enttäuschig isch grooss,
«Kumm mir sitze ins Kaffi, das in dr Nöochi vom Flooss,
und erhoole uns vo däm Schogg e bitz.»
Do hört dr Luca plötzlich e Stimm, ohni Wiltz,
Es losst em kai Rueth und voller Wunderlitz,
Im Gebüsch wyter hinde sitze zwai Pirate-Kids.
«Salli zämme, was machet ihr denn do?»
«Wägem Füür hänn mir miesse Batavia verloh.
Mir sinn nur zue zwait und ganz ellai,
Und vor allem sinn mir jetz niene dehai.»
«Das isch denn doof», sat d Celine vo hinde.
«He waisch was, mir hälle euch do öbbis z finde.
In däm Park gitts so vyl tolli Sache.
Mir dien euch grad e baar Vorschlegg mache.
Wie wärs in Russland bi dr Eur-MIR?»
«Yeh weiss nit, das wär dängg zamlig dyyr.»
«Oder in Spanie bim Reschtorant Don Quichotte,
Das wär doch sicher au no flott.
Bim Fluech vo dr Cassandra in Griecheland,
Au das wär ganz sicher allerhand.
Waisch wie, in Oschtrych bim Alpe Express?
Dr ganz Daag Zugl fahre ohni Stress.
In dr Schwyz bim Matterhorn Blitz,
Gitts in dr erschte Reihe äxtra Sitz,
Und im Schällen Ursli Huus, ych wett,
Hetts sicher au no zwai freyl Bett.
In dr Walliserstube öbbis dringe und ässe,
Dort könnet ihr euer Laad e bitz verglässe.
Und sunsch halt ganz öbbis Neus,
Ins Königrych vo de Minimoys,
Im Abentiüerland do gitts e Flooss,
Das fahrt mit euch dur e Dschungel – famoos.
Im Grimms Märkwald in Wichthaluuse,
Im Lällkuechehus zur Abwäggsig pfluuse.
Und sunsch in Irland im Kinderland,
Bim groosse Spillplatz, hetts e Kaschte mit Sand.»
«Jo waisch», saage die zwai Pirate bedroffe,
«Jetz sinn mir scho so lang dur dä Park do gloffe.
S ich alles toll und mir dange euch alle.
Am liebschte wurd uns halt scho e Pirateschiff gfall.»
Do kunnt dr Celine e Bombe Idee:
«He jo, in Portugal han ych doch so ains gseh.
Das wär doch öbbis so für dr Momänt,
Und immer no besser als neume dusse im Gländ.»

E Batavia Fan vo Pfaffeweller kunnt grad entgeege.
«Hallo zusammen, liebe Freunde und Kolllege,
Ich sammle Unterschrifte für die Pirate von Batavia,
Dass me des alles wieder neu aufbaue ka.»
Die ganz Familie hett e Plaisireud do draa.
«Loos, unseri Unterschrifte kasch grad haal»
«Beschter Dangg, des find y ganz toll,
Mei Unterschrift-Blatt isch jetz scho voll.
Dem Neuaufbau steht somit nix im Wege,
so könne mir die Traditione weiter pflege.»
D Kinder und d Pirate-Kids mache e Plaiselärm
Und falle enander glugglig in d Arm,
«Hey, ihr Pirate, mir mien jetz langsam wider haim,
Und ihr hänn jo au bald wider e neus Dehaim.
Also machets guet und glaubet fescht dra,
Mir kömme euch ko bsueche – im neue Batavia.»

D Ladälären-Uustellig uff em Minschterplatz und d Waagen- und d Reggwyten-Uustellig bi dr Kasäläre ain vom Mäntig zuecht bis am Mittwuch demoge. Doert und an de 3 Verkaufsländ in dr Stadt ka men au alli Zeedel und Schnitzelbängg, d Blaggedde und dr Rädälängg kaale.
D Zeedel-Läsedde isch am Sunnig no dr Fasnacht, vom Fimfi bis am Silbeni zoobe in dr Baseldytsche Bihni im Lohnhof. Dr Ydyritt isch vergäbbe.

Buebe und Matli kenne ab em 7. Altersjohr in dr Pfyffer- und Drummeleschuel vo dr VKB gratis e halb Johr go schnäubere.
Yschrybbe kasch di im VKB-Kaller an dr Clarastross 57, im 2. UG am Mäntig, 18. Meerz 2019 vom Stäggs bis am Achte zoobe.

Meh Informatioone lässe und Amälidige abschigge ka men unter:
www.vkb.ch bzw. jungli@vkb.ch